

甌北詩鈔五言古三

陽湖 趙翼 雲崧

齒痛

少讀昌黎詩。笑渠作牛飼。我時齒力堅。足供老饕恣。雖輸編貝工。幾可嚼鐵碎。連砂爛脫粟。帶骨決大哉。舞陽生蝨肩。直欲一齧試。豈期近年來。微罅生櫛比。每飯費剔搔。疑有蟹奴寄。忽復浮陽蒸。旋起腫肉膩。一圍無根火。重灼滿口熾。含痛魚銜鉤。負傷虎帶刺。舖糜但軟飽。就枕鮮美睡。經旬委頓餘。一个忽委地。翻因剝膚灾。快此敝屣棄。其餘皆動搖。告別將以次。曾聞袁子才。留齒善持議。謂齒在其身。差不負位置。笑或榮然露。食必肥者致。不如輔車依。勿遽悻悻避。我欲援例請。齒也早自計。百物甫入口。惟齒職勞勩。及夫得味時。又屬唇舌事。我則任其勤。彼則收其利。譬如老邊將。轉戰心力瘁。安坐享太平。廟堂有高位。斯理誰能平。固難禁其慙。姑弗誘甘言。且與講大義。附我數十年。亦有賓主誼。懼汝剛則折。啟口每加意。梭恐鄰女投。弗敢與之戲。拳恐武夫毆。未嘗觸其忌。拄齧既謹言。穿齧亦表志。非象昌賄焚。非鼠豈訟累。拾有牙慧誇。寒未唇亡至。

相處尚不惡。中路忍乖異。辟穀既乏方。覓乳又滋費。坐視飯顆瘦。寧弗少留憩。齒也始驟然。君言甚情摯。已落難復存。極之慮仍墜。吾將再生兒。供君養頤嗜。善於語言極。才人之能事。鄙人齒痛一首。差可附後塵。故。

刪改舊詩作

食節愛其嫩。食蕪愛其老。愛嫩則棄根。愛老則棄杪。非人情不常。物固難兩好。何況詩文境。所歷有遲早。少時擅藻麗。疵類苦不少。老去漸剋除。又覺才艷稿。安得美並存。病處又俱掃。晚作蕪根肥。少作筍尖小。

少日所得意。老去覺卑陋。奮筆擬刪之。謂今學始就焉。知今得意不。又他日疚。詩文無盡境。新者輒成舊。漫勤鐵函藏。行復醬瓿覆。笑同古煉師。燒丹窮昏晝。一火又一火。層層去粗垢。及夫燒將成。所存僅如豆。未知此豆許。果否得長壽。

書懷

少賤苦窮餓。求官藉饘粥。及夫仕宦成。又想牀下福。此意殊不良。未可對幽獨。其如才分劣。自審久已熟。同乎俗吏為。吾意既不欲。異乎俗吏為。吾力又不足。是以訕然止。中藏返初服。敢援老氏戒。謂知足不辱。庶附封人義。坎坎歌伐輻。

既要作好官。又要作好詩。勢必難兩遂。去官攻文。詞僮僕怨其癖。親友笑其癡。且勿怨與笑。吾自有主持。一枝生花筆。滿懷鏤雪思。以此涸塵事。豈不枉用之。何如擁萬卷。日與古人期。好官自有人。豈必某在斯。

書所見

孔教所到處。無不有佛教。佛教所到處。孔教或不到。四裔獠狂區。詎有孔子廟。如來觀世音。乃皆莊嚴妙。何哉正學炳。反輸異端爆。豈非福利說。易為愚民告。要其俗雖殊。固不外吾道。君仁而臣忠。父慈而子孝。孔書縱不至。光遠則已耀。世儒好闢佛。多欲窮其精。我但言其粗。了然自易明。其教嚴戒殺。物命固長成。卻絕男女欲。不許人類生。將使大千界。人滅物滿盈。此豈造化理。流毒逾秦坑。試起廣長舌。將以何說爭。

比昌黎立論愈粗愈精乃知名理固不在深言也
保泰

午睡

少小讀魯論。晝寢懲昏頹。每當午欲睡。解以苦茗杯。豈知老而氣。漸與睡為媒。飯罷輒交睫。兩目撐不開。初猶悉力拒。繼乃應候來。中有一片甜。其味美於回。早知有此樂。何嫌朽木林。竊疑孔聖人。先生欺余哉。

游孝女測字養親詩

名文園年十七以測字養親

相字古未聞相傳始唐末玉局崔道士北千止剽奪宣和謝潤夫聲名徹禁閤
御書朝字來知十月十日問官得請字謂未全言責問孕得也字謂腹有蛇疾
迨乎南渡後專家益輩出土加畫為王杭移點成木權相書退字日與人甚密
知其糾結深至老不罷黜權閣書四字國內大人一其如四無依懸縊兆可必
斯皆擅絕技巧中百不失至今江湖間往往習其術大抵游食徒星卜同一律
何哉游氏女亦復矜弄筆設案闌闌中風吹面如漆波磔或拆離偏旁或配匹
卜者信手拈輒為判凶吉問女年幾何何不處在室有姬坐其旁一一為縷述
幼小讀詩書今年十有七親老鮮兄弟藉此養衰疾街頭字一个堂上米一溢
嗟哉女何賢曾聞出巾櫛豈惟夙慧深托業良可卹揚州銷金窩動擲千萬鎰
厨有臭酒肉逢有墜鈿舄何不涓滴分憫此嬋媛質免使傍路塵含羞對罵聒
我欲竟此語或已笑迂濶

原原本本無一字苟作保泰

老境

天生人官骸一器具一用惟此眉髮鬚無知覺運動既一無所能偏能將老送

時時來嚇人。勾引冰霜凍又居。最高處黑白見者衆。此豈不可憎。化工何必種我欲盡髡之。拚得一夕痛。無奈縈掃除。重生又加弄。

少聞柳下惠。能坐懷不亂。私心竊疑之。謂孰在旁。看柳下自言耶。真偽未可判。女出告人耶。亦難作定案。安知非欺人。外托秉燭旦。今我老境來。始知語非謬。從前好風懷。久作春冰渙。即令伴橫陳。味已嚼蠟換。然則易事耳。何妨夕見縈。以我蒲柳衰。證彼葛藤斷。老夫與古賢。可同號鐵漢。

快論獨闢千古舟

故人

故人多膺仕。快若凌風舸。建牙乘朱轡。曳履躡青瑣。門列榮戟森。家擁金玉瑳。偶念及腐儒。知其掩關坐。或憐范叔寒。遙贈綈袍裹。或笑杜甫瘦。作詩嘲飯顆。豈知此老頑。解衣磅礴裸。心方古人期。頗肯諸公數。生前不如他。死後不如我。子才過訪草堂見。示近年遊天台鴈蕩黃山匡廬羅浮諸詩。流連竟夕喜。

賦

薄暮君忽至。令我喜欲顛。與君兩年來。書問月幾箋。終不如見面。快吐所欲言。何期有今夕。把酒明燈前。當年驚蛺蝶。逸態猶翩翩。鬢鬢雖已白。狂過惡少年。

醉後起談鋒。巖電目炯然。妻孥亦驚咤。私矚門隙邊。不知是才子。但疑老神仙。
趙州年八十。打包始行脚。君亦近七旬。忽思訪名嶽。携雲黃海深。看桃台洞灼。
旋支廬阜筇。復躡羅浮屨。攀崖臂為猿。穿松身化鶴。顛趾倘不虞。齏粉付一落。
求榮求利耶。為此童駸樂。及歸倒錦囊。奇句森散薄。青山千萬古。生面一朝擴。
始知此老黠。重輕早自度。好詩拚命換。雖癡固未錯。

文人例相輕。反唇互瑕尤。楊恥王後居。邢笑任集偷。嘲杜飯顆山。壓李黃鶴樓。
豈知皆小見。氣矜羣兒咻。茫茫大宇宙。聽人各千秋。蓋棺論自定。睨睨有萬眸。
劣難強加膝。優難禁出頭。所以君與我。彌覺意氣投。尹邢不避面。翻欲同羅幃。
君才馭颶輪。我力破浪舟。一代詩人內。要是令曹劉。

仙霞嶺

地媪不甘卑。突起聳天半。四山積鐵黑。陡削千尺岸。何年通往來。綫路入穹漢。
閩越此局鑰。界畫天所判。初從井底升。盤旋劣容駟。馬蹄石逆火。人顚笠雨汗。
曲磴萬級梯。喬松百尋緼。漸躡罡風顛。羣喘作雲湧。屹然見雄壘。橫鎖兩崖斷。
扼隘成絕險。石角露精悍。信哉形勝地。一夫劍可按。古來割據幾。往往藉掀杆。

寶應及審知乘時劃疆畔。翻疑天設險。徒為人長亂。不知鴻濛初。胡創此危仄。
我來值承平。途已列闌閤。緬維國初時。遺孽尙潛竄。開門有降將。省折槍半
段。國初取閩鄭芝龍早有降意仙霞關不留一兵故大兵得長驅入强藩繼鳩張。欲取浙潮鹽。老罷當道卧。終
摧賊矛鋌。耿逆之變李武定兵扼此關賊遂敗退事往父老稀。時清風景換。重閉念勇夫。俯仰一
揮翰。

寓齋獨坐作

舉世驚榮利。退士獨掩閤。懷古手一編。蕭然冷生活。人謂此老癡。此老實最黠。
衆所競趨處。一罅萬夫奪。惟茲文字緣。無人問阡陌。恣我磅礴遊。天馬驟空濶。
人棄我所取。正是巧貪得。待彼榮利盡。所就已莫及。送者自崖返。回視但塵沒。
士有名世才。出手爆雷電。遠夷爭購詩。達官求識面。必待史策傳。其傳已有限。
嗟我生也晚。不及見古人。但覺古人遠。可望不可親。盡力相追從。猶疑隔一塵。
千人萬人中。有我七尺身。千年萬年中。有我數十春。白首自照鏡。竭蹶暗傷神。
山行雜詩

我歸江南道。應出仙霞關。時當兵凱旋。喧哄滿市闌。乃遵海而北。路入千萬山。

出郭首北嶺。陡入霄漢間。遙望疑無路。猿猴亦難攀。宣知所必經。一綫紫榛菅。
昇輿數十人。作力股脚彎。我成百足蟲。蜿蜒上青屨。自笑老何苦。白首歷此艱。
有司僱輿夫。送我遞郵舍。輿夫見官僱。知從憲府下。將我作奇貨。傭直索高價。
停肩不肯行。求益恣嚇詐。名士值幾錢。竟似將我賣。民轉脅官貲。此事殊可詫。
輿夫前致詞。使君幸勿訝。平時官股民。錙銖弗肯赦。惟此聊取償。稍嘔老饕炙。
謝公昔遊山。屐換前後齒。我老不能行。筇輿代步履。其奈高下間。將我簸若秕。
上山身仰眠。下山手旁抵。老夫忽設計。奇智出囊底。輿夫有短長。呼來就排比。
上則前矮張。下則後短李。人地一調劑。遂覺平如砥。所慚役人力。彼肩代我趾。
遙山最深處。想必無人居。一縷炊烟起。乃亦有室廬。始知生齒繁。到處壑闢畝。
虎豹所窟宅。奪之為耕畬。尚有傭丐者。無地可把鋤。民生方愈多。地力已無餘。
不知千歲後。謀生更何如。

一層又一層。直疑到天上。及行至層巔。天高仍難量。試以目力揣。無異平地仰。
乃知不可階。固絕人意想。本地者親下。身已落塵坱。橫可徑萬里。高難騰一丈。
安得洪崖肩。何來巨靈掌。所以謝自然。退之斥其妄。

山雲縈滄起頃刻雨點飄乃知雲變雨不必到層霄祇在百丈間即化甘澍膏
君看雲薄處曦影如隔絳自是此雨上仍有赤日高

青山近可登碧澗清可酌結廬者誰子牆荆瓦編籬門外幾株松濃陰綠成幕
荷鋤出種稻携鑊兼采藥時復蒸木芝清香透林薄洵美此家居足以老耕鑿
我非茲山人恨不一椽托可惜居山者不識山居樂

過青田訪劉誠意故居土人云在南田山頂去地千百丈其上平疇千頃
村落相望皆公子孫也質之縣令趙君亦云惜匆匆不及往遊賦此以誌

我行青田江言訪誠意宅居民為指點宅在千仞壁其上一洞天良疇千頃闢
山平有迴環水軟無跳擲厥土乃上腴畝歲收二石處者皆劉氏丁戶累數百
猶守故侯風服田讀書策雖無顯仕宦亦少賤隸役惟公精青烏堪輿審所擇
是以占地靈椒聊衍蕃碩斯語殊未然公本志勲績一經治春秋決科早通籍
恢奇二鬼篇英略蘊自昔豈屑識緯學小數叩幽蹟時當元運衰猶應行省辟
慷慨討賊議同官舌盡咋獨從石抹公歷險冒戈戟使其果前知肯徇陽九厄

是知世所傳淺夫妄億逆想公卜居意但取茲境僻外無紛華炫內有耕鑿適
龐公計貽安楚相地取瘠老成垂慮遠正以保宗祏徒擬形家言未免腐鼠嚇
英賢自有真豈在著與筮世所驚神奇不值一笑啞事往跡尚留論定品始白
遙望青山高遐哉君子澤

嚴灘

去年過嚴灘子陵向我笑久作林下人胡出逐旌纛得非白頭嫗塗粉思再醺
今來過嚴灘我向子陵誚披裘跡近衙加腹氣非傲特特故人恩巧立高士操
繫余慕武夷隨人入閩嶠適當有軍事借箸聊一効非特酬知交兼藉國恩
報事定仍拂衣一路快登眺出不為求名歸不失高蹈比君弔詭處稍覺襟懷
浩湖天有一曲去放綠蓑釣

樹齋大司馬述菴少司寇奉使秦郵扁舟往晤流連永日別後却寄

老懶寡送迎忽焉沂淮浦難得兩使星皆是我舊雨一見不可無別緒要傾吐
憶昔共樞曹趨直日接武踪跡負蟹意氣食牛虎神索夜草箋朝靴曉踏鼓
退直偶得暇餘勇尚堪賈催詩走竿牘折柬祈尊俎徵逐豈厭頻諧謔或致侮

人間朋遊樂此可入畫譜官轍一朝分相望萬里阻使節漢南庭樹齋廬鎮塔
處政雲南勞深官亦高雲霄果筵杯開府門列戟馳傳吏負弩即

今兩名卿天下仰台輔而我早歸田一編守環堵不敢尺素通為慚在塵土却
荷故人誼屢書問良苦今朝獨何緣握手覽湖海乍見看鬚眉深談罄肺腑巢
痕緬鎖閤履聲憶丹廡陳蹟宛猶昨舊文已難數當時列仙班半入點鬼簿天
留我輩在要作秋容圖升沉途雖分衰晚力須努立言有名山策勳有盟府在
朝與在野均責桑榆補名恐湛輩同功肯噲等伍皓首各勉旃相期在千古

反矐目篇壽王西莊七十

好書如好色遇輒與目成當其悅心處不減對傾城所以耽文史亦名為書淫
淫則必有罰咎惟兩目任先生探浩博萬卷羅縱橫書竭一線晷宵燼五寸榮
有如訪佳麗欲遍姬姜羸乃招天公妒強奪雙青睛有花使霧看無燭使夜行
謂可示孽報陳編難披尋豈知音其目不能盲其心翻令收視中覃思益專精
照幽慧燈朗記事胸珠明益掩且射覆鏡聽兼卜聲遂比那律多冥觀洞八瀛
天公顧而笑困之乃益亨由來禁好色莫禁相思情還他正法眼炳燭追荀卿

拔釘滓速去。刮銳翳弗縈。依然兩清曠。秋水光盈盈。宋艷消永日。黃嬾娛深更。直至方瞳年。巖電常晶熒。

清流關

峩峩清流關。鑿翠孰推斧。一夫瞋目當。可却萬貔虎。天險與人傑。相遇出建監。南唐守壽春。扼此作壘戶。宿師十五萬。警備嚴旂鼓。北兵歌檀來。嚶嚶如風雨。夾馬有真人。先此試采阻。交綏偶失利。何以警淮浦。西澗夜半迴。攀堞月未吐。直擣郡治牙。一劒落皇甫。勝勢乘破竹。都監亦被擄。堂堂兩大將。一朝繫雙組。遂盡淮南地。畫江作邊圉。當時立奇勳。戮力王事監。豈知日後觀。似自拓疆土。所以端明殿。奕禩誌皇武。開邊渡瀾滄。得國承杜宇。事變萬不常。固難一例數。我來一經過。陳迹久榛莽。時清無戍旗。民晏各安堵。山高而水深。邈然坐懷古。

昭明讀書臺

儲宮愛讀書。梁唐兩太子。昭明文選樓。舊在邗江涘。亦聞烏目山。績學構潛邸。匡廬有斯臺。乃自昇元始。景通方毓德。築館聚文史。書幙障鳧羅。手植蓬萊紫。後來踐閭位。猶念舊遊里。賜田一千頃。養僧一萬指。空門豈無情。報國心共矢。

及聞金陵圍。勤王赴江。誓將髡頭落。欲救肉袒恥。法和香火盟。繼顯倉廩委。舉事雖不成。其志實英偉。是皆炳誌乘。可溯臺緣起。何年換蕭統。翻作不祧祀。乃知流俗訛。數典食以耳。寺貧僧盡蠹。世遠碑莫紀。鵲巢遂占鳩。張冠竟戴李。伍胥塑髭多。韓愈繪鬢美。傳不傳有命。自古皆如此。

棲賢寺瀑布

聞先瀑寺中。棲賢瀑寺外。寺內得擅奇。寺外難稱最。豈知萬斛泉。束以二仞澮。迫繞寺門前。衆練絞一帶。憤盈莫可遏。無鬼亦作怪。雄雷不蟄泥。跳入此急瀨。咆哮起吼聲。震破乖龍膽。年久石被嚙。似切昆刀快。陷深遂成槽。始信水力大。一落忽萬丈。澄淵斂砰湃。溢出復洶洶。勢仍怒裂眦。峽橋來夾之。胯下使出界。羞忿不回顧。一去駛莫搯。咄哉信奇觀。流遠力弗鍛。迴瞻三石梁。銀河百丈挂。彼乃跌自高。此則噴於隘。

王文成公紀功碑

粵西歸德峽。見公摩崖名。

平田州所刻

今讀廬山碑。駿烈彌崢嶸。維時變猝起。稱戈

出宗盟。殺吏據都會。欲徑趨陪京。公在震鄰中。羽檄張虛聲。使之遲疑間。下游

皆守城。迨賊沸唇出。急搗巢穴。傾攻其所必救。邀之於歸程。鄱湖水流。血樵舍風。偃旌。遂令老劉凜一戰。縻長纓。偉哉儒者績。討逆談笑成。所率皆文吏。所用皆民兵。滔天禍變劇。一月手削平。亂同張方壘。功逾亞夫營。嗚呼。豈異人公亦一書生。

諸詩皆簡潔蒼鍊不能增損一句是此公老境

白鹿洞書院

鹿洞古書院。南唐所育賢。號廬山國學。養士有賜田。堂堂朱助教。鼓篋勤陶甄。盧絳蒯鼇輩。三害悉改移。見陸游南唐書晦翁守南康。踵舊開講筵。道學一以振。朗日行中天。名蹟遂獨擅。胥忘保大年。嗚呼。後居上創者。轉就湮。書臺百尺基。既被昭明遷。書院千間厦。又為朱子專。一笑李中主。身後太可憐。

題洪建侯梅花小照

梅花遇何郎。格韻正相肖。如何孤山翁。衰醜強索笑。欲恃橫斜句。來作鏡臺嬌。老夫聘女妻。梅花未必要。花今獨何幸。相賞得英妙。景盧玉雪人。清才擅年少。姿與花同潔。氣與花並傲。來為花作主。千株靜延眺。豐韶製鶴顰。陋彼驢背嘯。潑墨南宮山。烹雪東坡鉞。坐令花增榮。絕勝紅羅幃。花亦慶所遭。珠蕊朗四照。

一笑問梅花。幾生修得到。

春間晤西莊於吳門。因其兩目皆盲。歸作反瞽目篇。貺其再明詩。成尚未寄。秋初接來書。知目疾竟已霍然。能觀書作詩。鄙人不禁沾沾自喜。竊攘為拙詩頌禱之功。再作詩以貽之。西莊當更開笑眼也。

七發能起病。一檄可愈風。少陵咏髑髏。瘡鬼避血紅。彼皆待披讀。始祛劇疾攻。豈如鄙人詩。祝公明雙瞳。詩成未及寄。公已豁霧凇。捷於灰飛管。驗若霜鳴鐘。婆羅門善呪。無此大神通。道士拜赤章。枉費斗檢封。一笑呂子明。果非舊阿蒙。自茲正法眼。巖電逾昭融。目力所透處。牆壁洞幾重。撮蚤易拾芥。懸蟲便引弓。不畏騎瞎馬。仍堪數飛鴻。字母煩手摸。花詎愁霧籠。重翻插架書。快比故舊逢。生平未定臺。戢戢束萬筒。時方排纂
蠅術編蠅頭積細碎。牛毛散氤氳。挑燈自排纂。縷入紀綱訂。訛瞽奏叟指。迷瞽導童逐。使天下目障翳盡掃。空人呼。照天燭。自喜磨鏡銅。得不歸功我。一詩挽化工。公方開壽識。廣坐笑眼同。速演玲瓏曲。滿酌玻璃鍾。待余來稱祝。敬酬刮膜功。一詩遂成千古佳話
保泰

新春招程霖岩湯蓉溪二丈暨莊學晦家絨齋小集

少時遇老人。輒思引而避。豈知入暮年。愛老轉有味。新春例宴客。折簡首耆艾。
里中有皓首。數叶商芝。四年皆開八秩。程湯皆七十八莊七十五緘齋亦七十惟我蓋猶未。方當
捧几杖。敢便聯襟襖。惠然乃肯來。竟援溫公例。既免擁篲迎。兼辭執醬饋。酒弗
限三巡。肴偶過五器。維時近上元。滿城簫鼓沸。寒家少長物。華侈獨燈事。紈鼓
薄若空。玻瓈透無滓。料珠與明角。一一出新製。榮光助豪飲。引滿連舉觴。老拳
轟揖陣。謎語闢闔戲。醉上凍梨面。胥變朱顏麗。一笑五老峰。突起樽俎地。眼前
此數翁。看似無關繫。庸知履舄交。中有昇平瑞。一葉知秋風。一花驗春氣。自非
仁壽期。曷此耆耄萃。作詩傳他年。或可洛社繼。

題謝蘊山觀察種梅圖

梅花本艷質。滿樹瓊瑤瑛。不幸遇老逋。始以寒瘦名。遣伴枯僧寂。差配幽人貞。
庸知冰雪中。獨領羣芳萌。公子謁裘來。美人綰袂迎。此乃富貴氣。豈徒含孤清。
所以商位置。未可冷淡成。宮開珠藥朗。堂敞玉照明。襯以紅羅麗。吹之瓊笛瑤。
粉額壽陽點。翠羽羅浮鳴。庶幾稱花格。不落窮柴荆。先生文章氣。朝日晃九英。
家旁大庾嶺。官廨揚州城。與梅有夙緣。遷宦心仍縈。構軒曰補梅。軒名健步移